

RIJEČ GLAVNIH UREDNIKA

Poštovane čitateljke, poštovani čitaoci,

dopustite da Vam se prvi put obratimo putem riječi glavnih urednika u ovom desetom broju Anala Pravnog fakulteta Univerziteta u Zenici. Povod prvobitnog obraćanja baš u ovom izdanju je dvojak. Kao prvo, želimo sa ponosom da ukažemo na jubilarni deseti broj i punih pet godina izlaženja časopisa. Kao drugo, u ovom broju časopisa objavljujemo radove najprestižnijih naučnika iz oblasti Krivičnog prava u regionu. Odmah koristimo priliku da se zahvalimo svim autorima što su svojim doprinosima uveličali ovo jubilarno izdanje.

U toku svojih prvih pet godina postojanja časopis Anali Pravnog fakulteta Univerziteta u Zenici prošao je velike konceptualne izmjene. Nakon što su prva četiri broja objavljena pod nazivom „Društvena istraživanja“, sa promjenom imena nastupio je i drugačiji pristup uvođenjem dvostruke anonimne recenzije, kategorizacije radova i međunarodnog uređivačkog odbora, te objavom tematskih brojeva posvećenim izlaganjima sa tradicionalnog naučno-stručnog skupa sa međunarodnim učesćem Pravnog fakulteta Univerziteta u Zenici, svake godine iz druge pravne oblasti. Obavezni dio časopisa predstavljaju i sažetak na engleskom, njemačkom i francuskom jeziku, kao nužna pretpostavka internacionalizacije časopisa. Nasuprot tome, zadržan je pristup izmjeni boje korica za svaki broj časopisa, kao i čovjekolika puzla kao osnovni simbol na naslovnoj stranici.

Izmjenom koncepta, časopis Anali Pravnog fakulteta Univerziteta u Zenici zabilježio je velike uspjehe i regionalno i međunarodno priznanje uvrštavanjem u baze podataka EBSCOhost i CEEOL. Dalju potvrdu kvaliteta pronalazimo u razmjeni časopisa sa svim državnim Pravnim fakultetima u regionu, kao i renomiranim međunarodnim naučno-istraživačkim institutima.

Ovdje nećemo ukazivati na sam sadržaj ovog broja, to prepuštamo članu organizacionog odbora ovogodišnjeg tradicionalnog simpozija Pravnog fakulteta Univerziteta u Zenici, prof. dr. Tadiji Bubaloviću kojem

se srdačno zahvaljujemo na naporu uloženom u organizaciju skupa i objavu ovog izdanja. Moramo posebnu zahvalu uputiti našim izvršnim urednicima ass. Dženani Radončić i ass. Ajdinu Huseinspahiću na neumornom i efikasnom redakcijskom radu, kao i mnogobrojnim idejama za poboljšanje časopisa.

U nadi za nastavak uspješne saradnje sa Vama, upućujemo na otvoreni poziv za objavu radova u narednom broju časopisa Anali Pravnog fakulteta Univerziteta u Zenici, te online izdanje časopisa dostupnom na navedenim bazama podataka kao i na <http://prf.unze.ba/v2/anali.html>.

Prof.dr. Halid Kurtović
Dekan Pravnog fakulteta
Univerziteta u Zenici

Doc.dr. Zlatan Meškić
Prodekan za naučno-istraživački rad
Pravnog fakulteta Univerziteta u Zenici